

Awe ta un dia memorable. Awe nos edificio nobo lo wordo habri pa minister di Husticia Dowers. Y awe e Veiligheidshuis di Aruba tambe lo wordo habri. Esakinan ta dos sucedido hopi especial, cu un Procurador-General normalmente ta experiencia un biaha so den su carera.

Mi ta cuminza cu nos edificio nobo y bunita.

Minister di Husticia y ami a wak e ultimo añanan varios edificio pa mira si nan ta pas y ta alcanzable como lugar nobo pa Ministerio Publico di Aruba. Finalmente a scoge pa e edificio nobo bunita aki, cu ta na un sitio bon accesible. Pesey cu un gradicimento den direccion di e minister di Husticia ta mas cu na su lugar.

E edificio aki ta pas cu Ministerio Publico. E ta radia prestigio y autoridad. Den e edificio nobo aki, mescos cu den esun na Havenstraat, tanto e Parket di Procureur-Generaal, como e Parket di Hoofdofficier van Justitie ta hunto. Ambos parket ta traha diariamente hunto na un manera hopi intensivo pa combati criminalidad.

Un edificio nobo ta significa tambe un comienzo nobo; un comienzo nobo den combatimento di criminalidad na Aruba. Varios paso a wordo tuma pa cu e meta ey, conhuntamente cu e partnernan den e cadena hudicial, manera Polis, Aduana, Belastingdienst, Kustwacht y Koninklijke Marechaussee.

Mi ta para keto un rato na e desaroyonan di e ultimo aña aki.

Nos a traha duro den Integraal Afpakteam di Aruba, hunto cu e otro partnernan, pa kita capital criminal. Ademas nos a traha na un forma integral pa bringa menshandel y mensensmokkel. Esaki por unicamente si nos comparti informacion cu otro, manera nos ta bin ta haciendo den Fusion Center di Aruba. E Fusion Center ta un punto central, unda ta comparti informacion cu nos partnernan den e cadena hudicial, cu como meta pa bringa criminalidad den un forma basa riba informacion.

Alavez nos a sigui profesionaliza e organizacion interno di Ministerio Publico, dor di traha mas dirigi pafor. Kier meen, mas dirigi riba e ambiente externo. Den practica, e ta nifica mas contacto intensivo cu prensa, pa asina nos como Ministerio Publico por splica pueblo di Aruba y na nos partnernan den cadena hudicial, kico nos ta haci y dicon y tambe kico nos ta para pe.

Pues e ultimo aña hopi desaroyo a start sali. Nos lo sigui cu esaki, pasobra nos no ta cla ainda. Mi kier gradici mi trahadornan di curazon pa nan flexibilidad y commitment na e cambionan, cu a wordo incorpora caba y cu ta na caminda.

Pa futuro nos tin como meta pa bringa criminalidad comun na un forma dinamico, rapido y eficiente. E manera di traha aki nos ta yama e maneho ZSM, den cual Polis, Ministerio Publico y e partnernan den cadena hudicial ta bringa crimennan comun na un manera dinamico. Den ZSM ta dicidi mas liher posible, despues di detencion di un sospechoso, con ta bay sigui cu su tramitacion (afdoeningstraject). Ta trata aki di intervencionnan significativo, den cual sospechosonan ta haya un reaccion cu ta pas cu loke nan a haci, y den cual victimanan ta mira nan derecho, y den cual e vecindario ta ripara con liher un sospechoso ta wordo coregi. Tur esaki

den un cadena hudicial, den cual e partnernan hunto ta forma un solo cadena y por actua rapidamente.

ZSM kier meen na Hulandes: Zo Snel, Slim, Selectief, Simpel, Samen en Samenlevingsgericht Mogelijk.

Pa traha na un manera significativo ZSM ta haci uso di diferente forma pa tramita un sospechoso, tambe pafor di Ley Penal. Hunto. Den ZSM, Ministerio Publico, Polis y e partnernan den e cadena hudicial ta para literalmente scouro cu scouro.

Banda di e tarea represivo di Ministerio Publico, ta nos ambicion tambe pa tuma medidanan preventivo pa evita cu hobennan en especial, subi mal caminda. Nos como instancianan di gobierno y organizacionnan social mester percura pa traha mas hunto y pa inverti den nos hubentud den e lucha contra criminalidad. Esun cu ta doño di hubentud, tin e futuro den su man. Esey ta un responsabilidad y na mes momento un opdracht pa henter sociedad y no solamente pa ministerio di Husticia, Ministerio Publico y Polis. Tambe e ministerionan di Enseñanza, Asuntonan Social y Salubridad Publico ta necesario pa duna hobennan y adultonan hoben perspectiva riba un bida yena cu sentido.

Mi a yega na e di dos motibo di fiesta awe, loke ta e apertura di e Veiligheidshuis of Plataforma di Seguridad di Aruba. Mi ta hopi gradicido na e fondo di FDA cu a pone un suma di placa disponible pa realiza esaki.

Kico ta un Veiligheidshuis? E Veiligheidshuis ta un concepto cu a bin for di Hulanda y ta un relacion di cooperacion entre partnernan den e cadena hudicial y e cadena di cuidado, manera FMAA, y otro partnernan, manera departamento di Enseñanza y FCCA pa loke ta vivienda. Tur e partnernan aki ta traha hunto na un acercamiento integral di inseguridad y ta dirigi nan mes riba criminalnan hoben, personanan cu ta bin hopi den contacto cu Husticia, ex-detenidoan y personanan cu ta causa molester.

E Veiligheidshuis ta na prome instancia un manera di traha. Un tipo di maneho. Pero e ta literalmente tambe un cas: tur trahador ta localiza den un solo edificio na Ministerio Publico. No solamente fiscal y Polis ta ocupa nan mes cu un sospechoso hoben, sino tambe Jeugdzorg, Kinderbescherming y Reclassering.

Riba kico Veiligheidshuis ta traha? E Veiligheidshuis ta traha vooral riba preveni recidive y exclusion social. Esey ta conta pa hende cu a kibra Ley, por ehempel di violencia domestico, pero e ta conta tambe pa individuonan of gruponan cu ta core riesgo. Veiligheidshuis tin como prioridad, hobennan cu ta na riesgo, personanan cu ta bin frecuentemente den contacto cu Husticia, hendenan cu problema mental y asistencia na ex-detenidoan.

Pa motibo cu nos tin hopi biaha di haber cu sospechosonan cu problemanan siquiatrico, mi ta contento cu un di e oradornan di awe ta dokter Van Gaalen, siquiater. Dokter van Gaalen y dokter De Jong ta responsable pa e binimento hunto den e area di cuidado siquiatrico bao di e number nobo Fundacion Salud Mental Aruba (FSMA).

Ministerio Publico lo bay hunga un rol prominente como voorzitter den realizacion y completacion di e Veiligheidshuis of Plataforma di Seguridad. E nucleo di e Plataforma lo ta un

trahador di Ministerio Publico, y pesey cu e lo ta localiza den nos edificio nobo. Pero mi ta enfatiza cu e Plataforma ta un responsabilidad di nos tur.

Mi ta conclui cu palabranan di gradicimento. Mi kier gradici abo, minister, cu a haci e edificio fantastico aki posible. Mi ta dirigi mi na Jan Boogaard y Miguel Boogaard, cu kendenan nos a traha masha bon mes. Y finalmente mi ta gradici Renato Loefstop y Tica Boekhoudt y Jean-Pierre Winterdaal pa tur e trabao, tambe den weekend y anochi, cu boso a dedica na nos verhuismento. Danki ademas na Ben King pa bo ideanan.

Mi ta spera cu deseo riba un bon cooperacion cu boso tur pa haci comunidad di Aruba mas sigur.

Danki pa bo atencion.